

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 06 0 K 017045 23 K
Novi Travnik, 12.05.2023. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Vesna Vujica predsjednica vijeća, Darmin Avdić i Lazarela Porić, članovi vijeća, uz sudjelovanje Sanele Nesimi kao zapisničara, u kaznenom predmetu protiv optuženog M.Š. zbog kaznenog djela Ratni zločin protiv civilnog stanovništva iz članka 142. preuzetog KZ SFRJ i ratni zločin protiv ratnih zarobljenika iz članka 144. stavak 1. preuzetog KZ SFRJ u vezi s člankom 48. istog zakona i kaznenog djela ratni zločin protiv ratnih zarobljenika iz članka 144. stavak 1. preuzetog KZ SFRJ u vezi s člankom 22. istog zakona po optužnici kantonalnog tužitelja Kantonalnog tužiteljstva Travnik broj: T06 0 KTRZ 0027919 20 od 26.08.2022. godine nakon održanog glavnog i javnog pretresa dana 09.05.2023. godine, na kojem su bili nazočni kantonalni tužitelj Kantonalnog tužiteljstva Travnik Sulejman Selimović, optuženi M.Š. i njegov branitelj Dušan Tomić, advokat iz Sarajeva, po obavljenom vijećanju i glasanju, donio je dana 12.05.2023. godine i javno objavio slijedeću:

PRESUDU

Optuženi:

1. M.Š., sin V., i majke M., rođene P., rođen godine, u K., JMBG: ..., Hrvat, državljanin BiH i RH, pismen, završen VSS, DIF- sportski trener nogometa, po zanimanju penzioner, oženjen, otac dvoje djece, služio vojsku u Slovenskoj Bistrici 1986/87, R Slovenija, ima čin pukovnika, odlikovan "RED HRVATSKOG PLETERA", vodi se u vojnoj evidenciji K., srednjeg imovinskog stanja, neosuđivan.

Na temelju odredbe članka 299. stavak 1. točka c). Zakona o kaznenom postupku Federacije Bosne i Hercegovine

OSLOBAĐA SE OD OPTUŽBE

Da je tokom rata u Bosni i Hercegovini i u vrijeme oružanog sukoba između ARBIH i HVO kao pripadnik HVO brigade ... kao zapovjednik I. brigadnog voda vojne policije VP ...K. zajedno sa B.M. kao pripadnikom vojne policije 4. Bojne V., brigade ..., VP ...K., zaduženi za obezbijedenje zatvorenika u vojarni K. postupali suprotno odredbama međunarodnog humanitarnog prava i to zajedničkog člana 3. Ženevske konvencije za zaštitu ratnih zarobljenika od 12.08.1949. i člana 3. stav 1, tačka a) i c) Ženevske konvencije o zaštiti civilnih lica za vrijeme rata od 12.08.1949.godine, i

člana 4. stav 2 tačka a) i e) Dodatnog protokola II uz Ženevske konvencije o zaštiti žrtava ne međunarodnih oružanih sukoba od 8.juna 1977.godine, a kojim se zabranjuje nasilje nad životom, zdravljem ili fizičkim ili mentalnim blagostanjem ljudi, naročito ubistva, mučenja, nečovječno postupanje, prinudni radovi, druga nezakonita zatvaranja ratnih zarobljenika i civilnog stanovništva tako što su:

U vremenskom periodu od mjeseca marta do juna 1993. godine u prostorijama vojarne Kiseljak, u Kiseljaku gdje su bili zatvoreni zarobljeni pripadnici ARBiH i civili bošnjačke nacionalnosti, i to: S.K., R.D., K1, K2, S.D., H.N., i mnogi drugi, osumnjičeni M.B. u svojstvu zapovjednika voda vojne policije i M.Š. u svojstvu zapovjednika I. brigadnog voda vojne policije u više navrata, izvodili i ispitivali ratne zarobljenike, pri tome ih mučili i fizički i psihički zlostavljali udarajući ih nogama, rukama, palicama, kundakom puške, cijevima i drugim podesnim sredstvima, i dopuštali da drugi nepoznati vojnici HVO ulaze u prostorije gdje su bili zatvorenici te fizički i psihički zlostavljaju zatvorenike uslijed čega su trpili teške tjelesne i duševne patnje, što je vrijeđalo i njihovo lično dostojanstvo znajući da na taj način krše odredbe međunarodnog humanitarnog prava i htijući to pa je

1. M.Š. sam

u navedenom vremenskom periodu civila S.K. prilikom ispitivanja tukao nogama, obuvenim u čizme, kundakon, te gumenim crijevom po svim djelovima tijela, izbjegavajući lice, svjestan da uslijed takvog postupanja nanosi oštećenom strah, snažan tjelesni bol i patnje i htijući to, R.D. ratnog zarobljenika prilikom ispitivanja zajedno s 4-5 drugih vojnika zlostavljao tako što ga je nepoznati vojnik udario šakom u stomak, a M.Š. mu je stavio nož na vrat sa lijeve strane, svjestan da na taj način nanosi oštećenom veliki strah i snažnu duševnu bol i patnju i htijući to.

2. M.Š. zajedno sa M.B.

u navedenom vremenskom periodu K2 ratnog zarobljenika prilikom ispitivanja tukli nogama na kojima su bile vojničke čizme, šakama po tijelu, stolicama, pendrecima, tjerali ga da prolazi kroz špalir, i da se tuče s drugim zarobljenicima, H.N. ratnog zarobljenika po dolasku u vojarnu prilikom ispitivanja o njegovom ocu i drugim ljudima tukli nogama i rukama po svim dijelovima tijela, te u više navrata su ga udarali šakama, čizmama, palicama po nogama, po glavi i čizmom po rebrima svjesni da na taj način nanose navedenim licima snažne tjelesne i duševne bolove i povrede tjelesnog integriteta i htijući to.

Čime da bi počinio kazneno djelo Ratni zločin protiv civilnog stanovništva iz članka 142. preuzetog KZ SFRJ i ratni zločin protiv ratnih zarobljenika iz članka 144. stavak 1. preuzetog KZ SFRJ u vezi s člankom 48. istog zakona opisano pod tačkom 1 i kazneno djelo ratni zločin protiv ratnih zarobljenika iz članka 144. stavak 1. preuzetog KZ SFRJ u vezi s člankom 22. istog zakona opisano pod tačkom 2.

Na temelju članka 203. stav 1. Zakona o kaznenom postupku Federacije Bosne i Hercegovine troškovi kaznenog postupka iz članka 199. stavak 2. točke od a) do f) istog zakona, kao i nužni izdaci optuženog i nužni izdaci i nagrada branitelja, padaju na teret budžetskih sredstava.

Na temelju odredbe članka 212. stavak 4. Zakona o kaznenom postupku Federacije Bosne i Hercegovine oštećeni S.K. i H.N. se upućuju da imovinskopravni zahtjev mogu ostvarivati u parničnom postupku.

U skladu sa odredbom članka 301. stavak 2. Zakona o kaznenom postupku Federacije BiH predsjednica vijeća je ukratko izložila odluku:

Zapisničar
Sanela Nesimi

Predsjednica vijeća
Vesna Vujica